

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 24. Juni 2020

Här President,

esou wéi d'Chamberreglement et virgesäit, biede mir lech, dës parlamentaresch Fro un d'Madamm Justizminister weiderzeleeden.

An enger gemeinsamer Sëtzung vun de Chamberkommissiounen vun der Justiz an der bannenzeger Sécherheet um 24. Juni 2020, huet d'Madamm Justizminister Tanson op déi aktuell Rekrutementsproblemer bei der Justiz opmierksam gemaach. Si huet gemengt, datt een eventuell och misst, wéi bei der Police, d'Konditiounen fir den Accès an d'Justiz iwwerdenken.


An deem Kontext wëllte mir der Madamm Justizminister gär folgend Froen stellen:

1. Wéi hu sech d'Konditiounen fir den Accès an d'Magistratur an deene leschte Joren entwéckelt?
2. Wéi verleeft aktuell de Rekrutement a wéi vill Poste stinn a wéi enger Karriär op?
3. Denkt d'Madamm Minister drun, den Accès an d'Justiz, speziell an d'Magistratur, fir Auslänner opzemaachen? Wa jo, wéini an ënner wéi enge Konditiounen?
4. Denkt d'Ministesch drun, fir eeleren Affekoten, déi op laangjäreg Erfahrung kënnen zréckkucken, eng Entrée an d'Magistratur ze erméiglechen? Gutt Erfarunge goufe jo sengerzäit mat dësem System gemaach, wéi déi administrativ Jurisdiktiounen geschaf goufen. Wann nee, wou läit de Problem?

Mat déiwem Respekt,



Fernand Kartheiser
Deputéierten



Roy Reding
Deputéierten